

REFERAT MIA - Meeqqanut Ilaqutariinnullu Ataatsimiititaq d. 19-09-2019

Mødedato Torsdag d. 19. september 2019 kl. 18:00

Mødested Kommunalbestyrelsesip ataatsimiittarfia

Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Ilisimatitsissutit.....	6
Allaffissornermut tunngavissap nutarternera.....	7
Aalajangiiffissat.....	10
Suliat Aningaasaqarnermut Inuussutissaqarnermullu Ataatsimiititamut Kommunalbestyrelsimullu ii	11
Nakkutilliinermut nalunaarusiaq.....	12
Isumaginninnikkut misissueqqusineq.....	16
Ineriartortitsinissamut Pilersaarut pillugu killiffimmik nalunaarusiaq MI 2017-2020.....	20
Taasariaqartut allat.....	25
Lukkede punkter.....	26
Lukket.....	27
Imaqarniliap akuerineqarnera.....	28

Punkt 0: Saqqaa

Ilaasortat:

Uju Petersen (IA), siulittaasoq.

Rasmine Geisler (IA)

Inge Olsvig Brandt (IA)

Knud Mathiassen (IA)

Ane Egede Mathæussen (S)

Beslutning

Uju Petersen (IA), Rasmine Geisler (IA), Inge Olsvig Brandt (IA), Knud Mathiassen (IA) aamma Ane Egede Mathæussen (S) najuupput.

Punkt 1: Oqaluuserisassat akuerineqarneri

Punkt 2: Nalunaarutit

2. Siulittaasumit nalunaarutit

Beslutning

Uju Petersen (IA) nalunaaruteqarpoq Ataatsimiititap Qeqertarsuatsiaanut aamma Nuummi angalanissaa siulittaasup aalajangiineratigut kinguartinneqartoq, nalunaartukippallaarnera pissutigalugu. Uju Petersen (IA) WHO-p imminut toquttarneq pillugu pinaveersaartitsinermik ulloqartitsinerani, 17-init peqataaffigineqartumi, peqataavoq. Tassani qulequtarineqartut assigiinngitsut suleriaatsillu qanoq ineriartortinneqarsinaaneri saqqummiunneqarput, taakkulu Ataatsimiititamut nassiunneqassapput.

Punkt 3: Ilisimatitsissutit

Punkt 03A: Allaffissornermut tunngavissap nutarternera

Bilag

Ilanngussaq 1 - Samlet Administrationsgrundlag m. sidetal_30232_KAL_WORD.docx

Allaffissornermut tunngavissap nutarternera

- Meeqqanut Ilaqutariinnullu tunngasunik suliaqarnermi allaffissornermi tunngavissamik nutarterineq

Ilisimatitsissut

J.nr.: 42.00

Meeqqanut Ilaqutariinnullu Ingerlatsivik – pisortaq Martha Lund Olsen / MLOL

Suliassamik eqikkaaneq

Matumuuna Meeqqanut Ilaqutariinnullu Ingerlatsiviup Meeqqanut Ilaqutariinnullu Ataatsimiititamat ilisimatitsissutigissavaa, ingerlatsiviup oqartussaaffeqarnermut immikkoortortaani allaffissornermut tunngavissamik atulersitsisoq, kingusinnerussukkut atuutilersinnissaa siunertaralugu. Allaffissornermut tunngavissap nutartikkap taarserpaa siornatigut allaffissornermut tunngavissaq akuersissutaareersoq, Deloittemit suliarineqarsimasoq, apriliip aallaqqaataani 2018-imi atuutilersinneqartoq.

Allaffissornermut tunngavissap nutarternerani siunertaavoq meeqqanut ilaqutariinnermullu tunngasuni allaffissornermi suleriaatsinik pisariillisaanissaq naammassiuminarsaanissarlu.

Inassuteqaatit

Meeqqanut Ilaqutariinnullu Ingerlatsiviup Meeqqanut Ilaqutariinnullu Ataatsimiititamat inassuteqaatigaa:

- ilisimatitsissut tusaatissatut tiguneqassasoq, kiisalu Ingerlatsivik eqaallisaaneq anguniarlugu ataavartumik allannguisinnaatitaalinissaa akuerineqassasoq.

Suliassamik saqqummiussineq

Meeqqanut Ilaqutariinnullu Ingerlatsivik 2019-ip aallartisimalernerani suleqatigiissitaliorpoq allaffissornermut tunngavissamik nutarterinissaq siunertaralugu, manna tikillugu ingerlatsiviup oqartussaaffeqarfimmi sullissineranik tunngaviliisuusumik. Allaffissornermut tunngavissaq siornatigut atorneqartoq Deloittemit aprili 2018-imi suliarineqarpoq atuutilersinneqarlunilu.

Meeqqanut ilaqutariinnullu tunngasuni suliani Ingerlatsivimmi kinguaattoornerujussuup kingunerisaanik allaffissornermut tunngavissap siullermik suliarineqarsimasup nutarterneqarnissaa pisariaqalersimavoq. Iluarsissuteqarneq pivoq oqartussaaffeqarfimmi sullissit ataasiakkaat alloriaqqinnissaannut pisariillisaanissaq malinnaaffigiuminarsaanissarlu.

Allaffissornermut tunngavissami nutaami suliassaqarfinni makkunani iluarsissuteqartoqarpoq:

- Nalunaarutiginninnerit suliarineranni periutsit
- Socialvagtip sulinerani periutsit
- Siunnersuinermi aqutissiuussinermilu sulianik suliarinninnermi periutsit
- Isumaginninnermut sulianut tunngasunik misissuinermut atatillugu periutsit
- Tapersersuinermi suliniutinik aallartitsinermi iliuusissatullu pilersaarutinik suliaqarnermi periutsit
- Tapersersuinermi suliniutit aallartinneqartut pillugit malinnaanissamat periutsit.
- Illoqarfiit Nuup avataaniittut sulianik suliarinninnissaannut immikkut ilitsersuut.

Aaqqiissutissatut siunnersuut – suliatigut naliliineq

Ingerlatsivimmit neriuutigineqarpoq allaffissornermut tunngavissap pioreersup nutarternissaa ungasinnerusoq eqqarsaatigalugu oqartussaaffeqarfimmi sulianik ingerlatsinermi suliarigasuaanissamut ilapittuutaassasoq, suliatigut pitsaassuseq qaffatsinneqassalluni, suliffiup iluani akisussaaffinnik agguataarineq ersarinnerulersinneqassalluni, sulisullu ataasiakkaat stressernerannik annikillisaataassalluni. Tamatuma saniatigut allaffissornermut tunngavissaq ingerlatsiviup periusissiaanut, kinguaattoornerujussuup anigorneqarnissaanik lsumaginnernnermut Inaatsiseqarnermullu Aqutsisoqarfiup peqqusineranut atatillugu, qitiusumik inissisimavoq.

Aningaasatigut sulisoqarnikkullu naliliinerit

Soqanngilaq.

Inatsisitigut tunngavissaq allakkallu tunngaviusumik uppersaatitalit

Allaffissornermut tunngavissaq nutartigaq oqartussaaffeqarfimmi allaffissornikkut tunngavissaq siulleq apriilip aallaqqaataani 2018-imi akuersissutigineqartoq tunngavigalugu, aammalu allaffissornermut tunngavissaq siulleq tunngavigalugu misilittakkat tunngavigalugit ineriartorteqqinneqarpoq.

Tamatuma saniatigut suleqatigiissitat inatsisitigut tunngavissat allakkallu tunngaviusumik uppersaatitalit makku aallaavigalugit suliaqarsimapput:

- Meeqqat tapersorsorneqarnissaannut Inatsisartut inatsisaat nr. 20, 26. juni 2017-imeersoq.
- Meeqqat tapersorsorneqarnissaannut Namminersorlutik Oqartussat nalunaarutaat nr. 16, 8. novembari 2017-imeersoq
- Meeqqat tapersorsorneqarnissaannut Namminersorlutik Oqartussat nalunaarutaat nr. 16, 8. novembari 2017-imeersoq

Ingerlariaqqinnissaq

Allaffissornermut tunngavissap septembarimi oktobarimilu 2019-imi atuutilersinneqarnissaa ingerlatsiviup siunertaraa. Atuutilersitsinissaq Nuummi, Paamiuni Tasiilamilu oqartussaaffeqarfinni suleqatinut workshoppeqartitsinikkut isumasioqatigiissitsinikkullu ingerlanneqassaaq.

Aningaasaqarnermut Allatseqarfimmit oqaaseqaatit

Soqanngilaq.

Innuttaasunik peqataatitsineq/attaveqaqatigiinneq

Soqanngilaq.

Ingerlatsivinnit allaniit oqaaseqaatigineqartut

Soqanngilaq.

Ilanngussat

1. Allaffissornermut tunngavissaq septembarip aallaqqaataani 2019-imeersoq

Punkt 4: Aalajangiiffissat

Soqanngilaq

**Punkt 5: Suliat Aningaasaqarnermut Inuussutissaqarnermullu
Ataatsimiititamut Kommunalbestyrelsimullu ingerlateqqitassat**

Punkt 05A: Nakkutilliinermi nalunaarusiaq

Beslutning

Ilisimatitsissut tusaatissatut tiguneqarpoq

Ane Egede Mathæussen (S): 2020-mi missingersuutini aningaasanik immikkoortitsisoqarnissaa kissaatigivaa, taamaalilluni Tasiilami atuartut angerlarsimaffianni unnuami pigaartoqartalernissaa anguniarneqarsinnaammat. Tamanna Ataatsimiititamit tapersorsorneqarpoq, Meeqqanut Atuarfeqarnermullu siulittaasoq attavigineqassaaq.

Bilag

Ilanngussaq 1 - Endelig Tilsynsrapport Tasiilaq aug 2019 KAL.pdf

Ilanngussaq 2 - Høringssvar Tilsynsrapport 190709_30191_KAL.docx

Nakkutilliinermi nalunaarusiaq

Siumut nalunaaruteqaqqaarani nakkutilliartorneq - Tasiilami meeqqat tapersorsorneqartarnerat pillugu

Ilisimatitsissut

J.nr.: 42.00

Meeqqanut Ilaqutariinnullu Ingerlatsivik – pisortaq Martha Lund Olsen / MLOL

Suliassamik eqikkaaneq

Piffissami maajip 9-aniit juunip 11-ata 2019-ip tungaanut Isumaginninnermut Inatsiseqarnermullu Naalackersuisoqarfimmi Nakkutilliisuutit nalunaaruteqaratik Kommuneqarfik Sermersuup ingerlatsiviani Tasiilami meeqqanut tunngasuni isumaginninnermut malittarisassat malinneqarnersut pillugit nakkutilliartorput. Nakkutilliartorluni putaartoqarnera tunngavigalugu Nakkutilliisartut nalunaarusiorsimapput, kukkunerit amigaatillu naliliiffigineqarnerinik innersuussutinillu imalimmik.

Nakkutilliartorluni nalunaarusiaq Kommuneqarfik Sermersuumut tusarniaassutigineqareerpoq, tamatuma kingorna, Kommune sinnerlugu, Meeqqanut Ilaqutariinnullu Ingerlatsivik ulloq 8, juuli 2019 tusarniaanermut akissuteqarpoq.. Nakkutilliartornermit nalunaarusiaq ulloq 14, agusti 2019 tamanut saqqummiunneqarpoq.

Inassuteqaatit

Meeqqanut Ilaqutariinnullu Ingerlatsiviup Meeqqanut Ilaqutariinnullu Ataatsimiititamut inassuteqaatigaa:

- Ilisimatitsissut tusaatissatut tiguneqassasoq
- nakkutilliinermi nalunaarusiaq Aningaasaqarnermut Inuussutissarsiornermullu Ataatsimiititamut Kommunalbestyrelsimullu ilisimatitsissutit ingerlateqqinneqassasoq

Suliassamik saqqummiussineq

Nakkutilliinermi nalunaarusiaq, Ingerlatsiviup oqartussaqaarfittut sullissineranik misissuinerinik nalilersuinerinillu, ikorsiissuteqartarnermut tunngassuteqartut naatsumik misissorneqarnerinik kiisalu Kommuneqarfik Sermersuumut innersuussutinik imaqarpoq.

Nalunaarutiginninnerit: Nalunaarutiginnittarnerit tamarmik Meeqqanik tapersersuisarneq pillugu inatsimmi allassimasut malillugit Kommunimit suliarineqartarsimasut Nakkutilliartortitanit nalilerneqarpoq.

Isumaginninnermi suliatigut misissuinerit: Nakkutilliartortitanit nalilerneqarpoq, sulianit 201-init suliat 189-it, isumaginninnermi misissugassatut aalajangiiffigineqartut, misissuinerinertaanik inatsillu malillugu qaammatit marluk ingerlanerini naammassisimanissaannik piunarsaqarfiusut suli aallartinneqarsimanngitsut. Nakkutilliartortitanit tamatuma kingorna suliat 41-t misissugassanngorlugit tiguaat. Sulianik misissuinerinik misissuinerit ingerlanneqareersut amerlanerpaartaat amigaateqartut naliliiffigineqarput.

Iliuussissatut pilersaarutit: Nakkutilliartortitanit suliat 21-t misissuiffigineqarput, taakkulu iliuussissamik pilersaarusiuffigineqartussaagaluarput. Sulianit 21-nit suliat 11-t iliuussissamik

pilersaarusiordfigineqarsimangillat. Suliani sinneruttuni 9-ni suliat 6-it iliuusissamik pilersaarutitaat kukkuneqarlutillu amigaateqarput. Iliuusissatut pilersaarutinit 9-nit 3-t eqqortumik suliarineqarsimapput.

Tapersersuinermi suliniutit: Tassani suliassaqarfiit ukua qitiutinneqarput:

- Inuusuttunut kinguneqartitsisoqaraangat kommunip sullissinerata kigaalaartarnera politiinit oqaatigineqarpoq
- Ilaqutariinnut Sullissivik allatut ajornartumik sullissinini iliuusissamik pilersaarutitaqanngitsumik aallartittariaqartarsimavaa, ingerlatsivimmilli suleqateqartarneq ukiuni kingullerni pitsaanerulersimavoq.
- Inissaaleqinermi inissiat isumagininnermut attuumassutillit amigaatigineqarnerat oqaatigineqarpoq.
- Ilaqutariinnik isumasioqatigiissitsineq, tamanna Tasiilami atuutilersinneqarnissaa aallartinneqareersoq oqaatigineqarpoq.
- Tasiilami meeqqanut ulloq unnuarlu inissiisarfimmit ilisimatitsissutigineqarpoq, ingerlatsivimmik suleqateqarneq pitsaanerpaaffissaminiinginnera.
- Aalajangersimanerumik aamma aaqqissuussaanagerumik angajoqqaat inuuniarnermikkut ajornartorsiutaat pillugit, meeraq angerlarsimaffiup avataanut inissinneqaraangat, sulisoqartarnissaa ujarborneqarpoq
- Tasiilami atuartut angerlarsimaffiani meeqqat atugarissaarnerat ineriartornerallu pillugit nakkutillineq ajornartorsiutigineqarpoq, taanna atuarfeqarnermut ingerlatsiviup ataani inissisimavoq.

Aaqqiissutissatut siunnersuut – suliatigut naliliineq

Nakkutilliarortitanit ataatsimut innersuussutigineqartut imatut ipput:

- Suliamik aaqqissuussinerup allangortinneqarnera, "katersuuttut" pinngitsoortinniarlugit.
- Isumagininnermi sulianik utaqquisut allattorsimaffianneersunik misissuinermi ersarinnerumik suleriuseqartoqarnissaa
- Erseqqissunik iliuusissamik pilersaarusiortarnissap qulakkeerneqartarnissaa, anguniagaq aamma ikiorsiissutigineqartunik aallartitsisoqartillugu taakkua qanoq sivistiginerinik ikiorsiissutigineqarneq ilanngullugit oqaatigineqartassaaq
- Siunnerfelerluni sulisunik pikkorissaaneq
- Ilaqutariinnik sullissinermi siunnersuisarnermilu siunnerfeqartumik suliatigut ilinniarsimasunik sulilersitsisarneq
- Atuartut angerlarsimaffiannik suleqateqalerneq, meeqqat ikiorserneqarnissaminnik pisariaqartitsisut ikiorserneqartarnissaat qulakkeerumallugu.
- Ilaqutariinnik sullissinermik periarfissat assigiinngitsut, ikiorserneqarnermi najugaqarnissamik neqerooruteqarneq ilanngullugu
- Inuusuttunut namminneq najugaqarnissaminnut tapersersorneqartariaqartunut najugaqatigiiffiliorneq, taakkua ikiorserneqarnerminni imaluunniit siunnersorneqarnerminni atugassaannik.
- Nunaqarfinni ilaqutariinnik ikiorsiinissamik aamma ilaqutariit isumasioqatigiissinneqartarnerannik neqerooruteqarneq
- Isumagininnermi inissianik innersuunneqarnissaaq siunertaralugu qanoq periuseqartoqartarnera pillugu najukkami inissiatileqatigiiffinnut attaveqarneq.

Aningaasatigut sulisoqarnikkullu naliliinerit

Soqanngilaq.

Inatsisitigut tunngavissaq allakkallu tunngaviusumik uppersaatitallit

Isumaginninnermut tunngasunik nakkutilliineq pillugu Namminersornerullutik Oqartussat nalunaarutaat nr 6, 16, februaari 2006-meersoq.

Ingerlariaqqinnissaq

Nakkutilliisut innersuussutaat malikkumallugit Ingerlatsivik suliniutinik arlalinnik aallartitsivoq.

Ilaatigut aaqqissuussaanikkut allannguutit makku aallartinneqarput:

- Allaffissornermi tunngavigineqareersut kukkunerisiorneqarnerat, suleriaatsit pisariinnerulernissaat kinguneqarluarnissaallu siunertaralugu.
- Malitseqartitsisartut suliaasa tunaartaannik allannguneq, taamaaliornikkut piffissap ilaa taamaallaat Tasiilami isumaginninnermi sulianik misissuinermik suliaqartartussanngorlugit.
- Suliat Nuummi aamma Tasiilami sullissisut akornanni agguataarneqarnerat ersarissaq, kiisalu Tasiilami ataqatigiissaarisumik toqqaaneq, suliami tassani suleqatigiissuteqarnermut ikiortaasussamik.
- Tasiilami MI-chefimik atorfinitsitsineq, aalajangiisinnaassuseqarnerup innuttaasunut qaninnerulersinneqarnissaa siunertaralugu.

Sulisussaaleqinerup ajornartorsiutigineqarnera iliuuseqarfigiumallugu imatut iliortoqarpoq:

- Isumaginninnermut siunnersortinik, Isumaginninnermut Aqutsisoqarfimmiit, atuarfeqarnermut ingerlatsivimmiit aamma Aalborg Kommunimiit attartorneq
- Nuummi sullissisut misilittagallit ingerlaavartumik Tasiilaliartarput sumiiffimmi sullissisut suliassaannik ikiuukkiartorlutik.
- Atorfiit inuttaqanngitsut suli inuttalerniarneqartuarput, suliffissanut allagarsiivik aqutigalugu.

Aningaasaqarnermut Allatseqarfimmit oqaasseqaatit

Soqanngilaq.

Innuttaasunik peqataatitsineq/attaveqatigiinneq

Soqanngilaq.

Ingerlatsivinnit allaniit oqaasseqaatigineqartut

Soqanngilaq.

Ilanngussat

1. Nakkutilliinermit nalunaarussiaq – Siumut nalunaaruteqaqqaarani nakkutilliineq, Kommuneqarfik Sermersooq, Tasiilami meeqqat ikiorserneqartarnerat pillugu.
2. Tusarniaanermi akissuteqaat uunga: Siumut nalunaaruteqaqqaarani nakkutilliineq, Kommuneqarfik Sermersooq, Tasiilami meeqqat ikiorserneqartarnerat pillugu.

Punkt 05B: Isumaginnikkut misissueqqusineq

Beslutning

Ilisimatitsissut tusaatissatut tiguneqarpoq

Bilag

Ilanngussaq 1 - Påbud om iværksættelse af socialfaglige undersøgelser KAL.pdf

Ilanngussaq 2 - 1. orientering tilsynsenheden2_KAL.docx

Isumaginninnikkut misissueqqusineq

Ilisimatitsissut

J.nr.: 42.00

Meeqqanut Ilaqutariinnullu Ingerlatsivik – pisortaq Martha Lund Olsen / MLOL

Suliassamik eqikkaaneq

Kommuneqarfik Sermersuup Tasiilami meeqqanut tunngasuni ingerlatsivianik siumut nalunaaruteqaqqaarani nakkutilliiartorneq, kingornatigullu nakkutilliiartornermit nalunaarussiaq tunngavigalugu, Isumaginninnermut Inatsisinillu Atuutsitsinnermut Naalakkersuisoqarfimmi Nakkutilliiartortinneqartartut isumaginninnikkut misissunissanik peqqussuteqarpoq.

Peqqussutigineqartoq Kommuneqarfik Sermersuumut ulloq 14, aggusti 2019-imi tunniunneqarpoq, peqqussutigineqartup tunniunneqarneraniit qaammatit sisamat qaangiutsinnagit peqqussutigalugu piumasarineqartoq naammassineqassasoq.

Inassuteqaatit

Meeqqanut Ilaqutariinnullu Ingerlatsiviup Meeqqanut Ilaqutariinnullu Ataatsimiititamat inassuteqaatigaa:

- ilisimatitsissut tusaatissatut tiguneqassasoq
- suliaq ilisimatitsissutit Kommunalbestyrelsimut ingerlateqqinneqassasoq

Suliassamik saqqummiussineq

Peqqussut immikkoortunik ukuninnga imaqarpoq:

- Kommunalbestyrelse suliani ingerlanneqartuni tamani, maajip aallaqqaataa 2019 sioqqullugu isumaginninnikkut atukkanik misissuisoqarnissaanik aalajangiiffigineqartut eqqarsaatigalugit, § 45 naapertorlugu taamatut misissuisoqarnissaanik aallartitsissasoq. Misissuinissaq peqqussuteqarnermiit qaammatip ataatsip iluani pilersaaruserlugu aallartinneqarsimassasoq, tamatumalu kingorna kingusinnerpaamik qaammatit pingasut ingerlaneranni naammassineqarsimassasoq. Suliassat pisoqaanerit siulliullugit naammassineqartassasut.
- Isumaginninnikkut atukkanik misissuinissamat periusissamik piffissami tassani aallartitsisoqarsimassasoq, inatsisit malillugit ingerlaavartumik aallartitsisoqartarnissaa naammassinnittoqartarnissaalu qulakkeerumallugu
- Isumaginninnikkut atukkanik misissuinissat taaneqartut, misissuinerup nammassineqarneraniit kingusinnerpaamik qaammatit marluk qaangiutsinnagit misissuineq tunngavigalugu iliusissamik pilersaaruserfigineqarsimassasut.

Aaqqiissutissatut siunnersuut - suliatigut naliliineq

Meeqqanut Ilaqutariinnullu Ingerlatsivik, Kommuneqarfik Sermersooq sinnerlugu, peqqussuteqarnerup malinneqarnissaa pillugu suliniutinik arlalinnik aallartitsivoq, taakkununga ilaapput:

- Allaffissornikkut tunngavigineqareersut kukkunersiorneqartarnissaat, suliassamik suliaqarnerup pisariitsuunissaa kinguneqarluarnissaalu qulakkeerumallugit.
- Ingerlatsivimmi malitseqartitsisartut, Tasiilami isumaginninnikkut misissuinerinnarmik suliaqartussat, suliaannut tunaartaasa allanngortinneqarnerat.

- Suliassanik agguaaassisarnerup ersarinnerulersinneqarnissaa, Nuummi aamma Tasiilami sullissisut akornanni, kiisalu Tasiilami sullissisut akunneranni.
- Allatut periarfissaavoq Isumaginninnermut Aqutsisoqarfimmit sulisunik, Tasiilami atuarfiup isumaginninnermut siunnersortaanik, kiisalu paarlaasseqatigiittarnissaq pillugu isumaqatigiissut aqutugalugu Aalborg Kommunimiit sullissisunik marlunnik attartornissaq.
- Nuummi sullissisut misilittagallit Tasiilaliartinneqartarput, taakkua ingerlaavartumik sumiiffimmi sullissisunut paasissutissanik katersinermi ikiuuttarput.
- Tasiilami MI-chefimik atorfinitsitsineq aqutugalugu piginnaatitsissutit agguataarneqarput, najukkami aalajangiisinnaasunngorlugit kiisalu isumaginninnikkut atukkanik misissuinermi Nuummi Tasiilamilu suleqatigiissuteqarnerup ataqatigiissarneqarnissaa pillugu Tasiilami ataqatigiissaarisussamik toqqaasoqarpoq.

Aningaasatigut sulisoqarnikkullu naliliinerit

Soqanngilaq.

Inatsisitigut tunngavissaq allakkallu tunngaviusumik uppersaatitalit

"Meeqqat tapersorneqarnissaannut Inatsisartut inatsisaat nr 20 26 juuni 2017-imeersoq Kap 3 § 10 imm 2.

Ingerlariaqqinnissaq

Tamatuma saniatigut Nakkutilliarortit Kommuneqarfik Sermersooq qinnuigivaat qaammatikkaartumik suliat ingerlasut pillugit ilisimatitsissuteqartassasoq aamma qaammammi pineqartumi misissuinerit naammassineqartut qanoq amerlatigineri pillugit. Peqqussutigineqartup tunniunneqarneraniit sapaatip akunneri marluk qaangiunneranni Kommuneqarfik Sermersooq qinnuigineqarpoq paasissutissat siulliit Nakkutilliisunut tunniunneqarnissaat pillugu. Tamatumani piumasarineqartut Meeqqanut Ilaqutariinnullu Ingerlatsiviup, Kommuneqarfik Sermersooq sinnerlugu, naammassivaa, ilisimatitsinerlu siulleq Nakkutilliisunut ulloq 28 agusti 2019-imi nassiunneqarpoq.

Ingerlatsivik, Kommuneqarfik Sermersooq sinnerlugu, Nakkutilliisut aamma Isumaginninnermi Aqutsisoqarfik qinnguigivai peqqussutigineqartumi piumasarineqartut naammassiumallugit isumasioqatigiinnissaq pillugu.

Ingerlatsiviup, Kommuneqarfik Sermersooq sinnerlugu, isumaginninnikkut misissuinerit pilersaarusionerqarnerat suliarissavaa, Nakkutilliisunullu kingusinnerpaamik ulloq 14 septembari 2019 tunniullugu.

Aningaasaqarnermut Allatseqarfimmit oqaaseqaatit

Soqanngilaq.

Innuttaasunik peqataatitsineq/attaveqatigiinneq

Soqanngilaq.

Ingerlatsivinnit allaniit oqaaseqaatigineqartut

Soqanngilaq.

Ilanngussat

1. Isumaginninnikkut misissueqqusineq
2. 1 Tasiilami misissuinerit qanoq amerlatigisut naammassineqartut qaammatikkuutaartumik ilisimatitsissutigineqartarnerat”

Punkt 05C: Ineriartortitsinissamut Pilersaarut pillugu killiffimmik nalunaarusiaq MI 2017-2020

Beslutning

Ilisimatitsissut tusaatissatut tiguneqarpoq

Bilag

Ilanngussaq 1 - 8. statusrapport_2. kvartal 2019.docx

Ilanngussaq 2 - Aktivitetsplan 2017-2020_aug2019.xlsx

Ilanngussaq 3 - Deloittes bemærkninger til 8. statusrapport 2. kvartal 2019 KAL.pdf

Ineriartortitsinissamut Pilersaarut pillugu killiffimmik nalunaarusiaq MI 2017-2020

8 Killiffik pillugu nalunaarusiat 8-t, 2 kvartal 2019

Ilisimatitsissut

J.nr.: 42.00

Meeqqanut Ilaqutariinnullu Ingerlatsivik – pisortaq Martha Lund Olsen / MLOL

Suliassamik eqikkaaneq

Ineriartortitsinissamik pilersaarummut 2017-2020 tunngatillugu, tassanilu suliarineqartussat ilanngullugit, Meeqqanut Ilaqutariinnullu Ingerlatsivimmit killiffii pillugit 2019-imi kvartalip aappaani nalunaarusiarineqarput.

Killiffik pillugu siusinnerusukkut nalunaarusiarineqartumut sanilliullugu, tamatumuuna Ingerlatsivik Deloitte-mik suleqateqarpoq, killiffik pillugu nalunaarusiaq siunnersuinerterlugulu ilitsersuutitalerneqarneratigut.

2019-imi kvartalip aappaani killiffik pillugu nalunaarusiaq pingasunut avinneqarpoq:

- Ingerlatsiviup killiffik pillugu nalunaarusiaa
- Suliassat pillugit pilersaarut nutartigaq
- Deloitte-p ingerlatsiviup killiffik pillugu nalunaarusiaanut oqaaseqaataa

Inassuteqaatit

Meeqqanut Ilaqutariinnullu Ingerlatsiviup Meeqqanut Ilaqutariinnullu Ataatsimiititamat inassuteqaatigaa:

- ilisimatitsissut tusaatissatut tiguneqassasoq
- suliaq ilisimatitsissutit Aningaasaqarnermut Inuusutissarsionermullu Ataatsimiititamat ingerlateqqinneqassasoq

Suliassamik saqqummiussineq

Aallaqqaasiutigineqassaaq, killiffik pillugu nalunaarusiami, ingerlatsivimmi Tasiilamat tunngasut annertuumik qitiutinneqarsimanerisa pingaartinneqarsimanerat. Tamannalu oqartussaqaarfimmi suleriaatsinik allangortitsinermik, ikiorsiissuteqartarfimmi suliniutinik nutaanik aallartitsinernik kiisalu sulisussanik nutaanik eqqumaffiginninnerulernermik kinguneqarsimavoq.

Tamannalu ilaatigut Meeqqanut aamma Ilaqutariinnut nutaamik politikkilliornissamik, pitsaaliuinermut iliuusissanik ineriartortitsinissami anguniagassanik kinguneqarsimavoq, pitsaassutsillu ikiorsiissuteqartarfimmi qanoq ittuunissaannut tunngasut nassuiaasersorneqarnissaat 2019-ip naalerneranut kinguartinneqarnerinik.

Ingerlatsiviup, killiffiit pillugit nalunaarusiani 8-ni, kisitsisinngorlugit nalunaarsuinerit aamma tunngavissatut tutsuinarnerusut sulinermini peruseralugit, ilaatigut sulisussat pigineqartuut amerlassusilerneqartarneranni, piffissami pineqartumi pigineqartut, naatsorsorneqarnissaat pingaartippaa. Naatsorsuinerup ersersippaa, oqartussaqaarfiup immikkoortoqarfiani misissuisartoqatigiit aamma ilaqutariinnut immikkoortumi, kiisalu oqartussaqaarfimmut aammalu

ikiorsiissuteqartarfimmut tunngasuni illoqarfinni mikinerusuni, atorfiit pigineqartussat eqqarsaatigalugit, sulisunik amigaateqartoqarsimasoq.

Oqartussa qarfik nalunaaruteqartarneq eqqarsaatigalugu malinnaaleqqavoq, kisiannili isumaginninnermi atukkanik misissuinerit iliuusissanillu pilersaarusionerit eqqarsaatigalugit malinnaalinngilluinnarluni.

2019-imi kvartalip aappaani nakkutilliinermut siunnersortimik atorfinitsitsisoqarpoq, taassumalu siunissami nakkutilliinerup suliatigut aqunneqarnissaa, ilikkagaqarnartumik inerikkiartuutaasumillu atorneqaqqilernissaa periarfissaalersippaa.

Ingerlatsivimmit sulisut suliatigut ineriartornissaat tapersorsorniarneqarsimavoq, illup iluaniittumik supervisor-imik atorfinitsitsinikkut, kiisalu ikiorsiissuteqartarfimmut tunngasunik pikkorissaanerit amerlineqarnerisigut.

Ikiorsiissuteqartarfimmi kvartalip aappaani neqeroorutit assigiinngitsut amerlineqarput, ilaatigut inuusuttunut sullissiviup nutaap tamanut ammarneqarneratigut aamma illoqarfinni Nuup avataaniittuni tarnip pissusaanik immikkut ilisimasalimmik katsorsartittoqarsinnaanerata annertusitinneqarneratigut. Meeqqanut ilaqutariinnullu tunngasuni meeqqamik peqateqartarnermut aqqissusaaq annertusitinneqarpoq, aamma "siusissukkut suliniuteqarneq"-rup iluani neqeroorutit nutaamik aqqissuuteqqinneqarpoq.

Killiffik pillugu nalunaarusionerimi paasinarsisimavoq, suli ikiorsiissuteqartarnermut aammalu oqartussa qarfimmut tunngasuni suliat imminnut ataqatigiinnerulernissaannut suliniutit allat inissaqarlutillu pisariaqartinneqartut.

Avataani suleqatigisat suleqatiginerat ilaatigut ugguuna ersersinneqarpoq:

- Tasiilami meeqqat pillugit angalasartoqatigiit, massakkut Isumaginninnermut Aqutsisoqarfimmit tiguneqartoq
- Tasiilami kinguaassiutitigut innarliisarnerup pinaveersaartinneqarnissaani katsorsaanermilu suliatigut assigiinngitsutigut politiinik, peqqinnissaqarfimmik kiisalu Isumaginninnermut Aqutsisoqarfimmik suleqatigiinnissamik isumaqatigiissuteqarneq.
- Ulloq unnuarlu najugaqarfiit kommunimit tiguneqarnissaa pillugu isumaqatigiinninniarnertit suli ingerlapput, erseqqinnerusumillu paasisaqarnissaaq utaqqineqarpoq.

Sulisut atugarissaarnissaat pillugu anguniakkanut tunngatillugu, oqaatigineqarsinnaavoq oqartussa qarfimmi napparsimasarneq kvartalip aappaanni annikilliartuinnavissimammat, sivirusumik napparsimasarnerup atorunnaarnera pissutigalugu.

Aningaasaqarnermut tunngasuni nutaanik suliniutigineqartut sipaaruteqarfigineqarsinnaasimangillat, inissiisarneq suli pisariaqartinneqartorujussuummat.

Aaqqiissutissatut siunnersuut – suliatigut naliliineq

Oqartussa qarfimmi anguniagassanik aalajangersaaneq: Ingerlatsivimmit neriuutigineqarpoq, allaffissornermut tunngaviusup kukkunersiorneqarnera sullissinnermi anguniagassatut aalajangersakkat anguneqarnissaannut peqataassasoq.

Oqartussa qarfiup aamma ikiorsiissuteqartarfiup akornanni suleqatigiinneq: Ingerlatsivimmi tamanna ingerlaavartumik sulissutigineqarpoq, peqatigitillugu Ilaqutariinnut immikkoorto qarfiup amerlanerusunik sulisoqalerneratigit massakut suleqatigiinnermi ajornartorsiutaasut aaqqiivigineqarnissaat neriutiginerpoq.

Sulisut atugarissaarnissaat: Ingerlatsivimmi Imaneq 20-mi allermi init ataatsimiittarfiit aamma ilaqutariinnik oqaloqatiginnittarfiit pilersinneqarput, taakkualu sullissisunut illersuutaallutillu uippakajaartitsinnginnerupput.

Aningaasaqarneq: Sipaaruteqarsimannginnerup matussutissaanik ilassutitut aningaasaliissutissanik qinnuteqartoqarpoq.

Anguniagassat piffissami anguneqarsimanngitsut: Taakkua suliassanut pilersaarummi qalipaammut "qasertoq"-mut inissinneqartarnerisigut takussutissartalersorneqarput, suliassa aalajangersimasoq kvartalit tulliitut nuunneqarsimanera nalunaarumallugu.

Deloitte-p innersuussutai:

- Sulisunik pigisanik iluamik ilisimasaqarnissaq kiisalu soraartunik oqaloqateqartalernissaq.
- Ingerlaavartumik sullivimmi atukkat pillugit misissuisoqartalernissaa.
- Eqqortumik sullissinissaq pillugu ingerlaavartumik anguniagassatut aalajangersakkanik malitseqartitsisalernissaq.
- Suliassat suuneri sapaatip akunnikkuutaartumik paasiniaaffigineqartarnissaat aamma tassunga atatillugu sulianik aqutsisalernissaq, suliniutit ataasiakkaat siunnerfilersorneqarnissaat pingaarnersiorneqarnissaallu siunertaralugu.

Aningaasatigit sulisoqarnikkullu naliliinerit
Soqanngilaq.

Inatsisitigit tunngavissaq allakkallu tunngaviusumik uppermarsaatitallit

"Ineriartortitsinissamut Pilersaarut MI 2017-2020"

Ingerlariaqqinnissaq

Ineriartortitsinissamut Pilersaarut MI 2017-2020 naapertorlugu ineriartortitsinissamut sulineq ingerlateqqinneqassaaq.

Aningaasaqarnermut Allatseqarfimmit oqaaseqaatit
Soqanngilaq.

Innuttaasunik peqataatitsineq/attaveqaqatigiinneq
Soqanngilaq.

Ingerlatsivinnit allaniit oqaaseqaatigineqartut
Soqanngilaq.

Ilanngussat

- 8. Killiffik pillugu nalunaarusiaq, kvartalit aappaat 2019
- Suliassanut pilersaarut 2017-2020 (nutartigaq)
- Killiffik pillugu nalunaarusiaq pillugu Deloitte-p oqaaseqaatai innersuussutailu

Punkt 6: Taasariaqartut allat

Punkt 7: Lukkede punkter

Punkt 07A: Lukket

Punkt 8: Imaqarniliap akuerineqarnera

Beslutning

Imaqarniliaq akuersissutigineqarpoq nal. 16.06